



SANE KHUMALO – MBHENSE

Ukwentuleka kwamakhono kuleli zwe, ikakhulu emkhakheni wezokwakha sekuphoqe iHhovisi lesifunda sase-Midlands ukuthi lisukume liye ezindaweni zasemakhaya kulesi sifundazwe lihambe lenza imibukiso yemikhakha yemisebenzi engafundelwa. Inhlalakahle yale mibukiso yemisebenzi engafundelwa ukugqoguzela abafundi ukuba bakhethe izifundo eziphatelene nokuthukiswa kwengqalasizinda kanye nomkhakha wezokwakha.

NgoLwesithathu lomhla zimbili kuNcwaba wezi-2017, leli hhovisi lesifunda livakashele isikole samabanga aphezulu, iBhekathina High School, eseNtabamhlophe, okuyindawo yasemakhaya, Escourt.

Abasebenzi behhovisi lesifunda benza izethulo maqondana nezinhlelo zemifundaze, zokuqeqeshelwa emsebenzini (in service training) kanye nezokuthwasisa (internship).

Unk. Dolly Hlongwane, ongumsebenzi ophikweni olubhekele Ezempilo Nenhlahlakahle Yabasebenzi waluphatha ngesinono uhlelo.

Emazwini akhe okuyula kanye nawobuhlakani ayewabhekise kubafundi ayekhuthaza futhi ehlaba umxhwele wathi, "empilweni akufanele uzibekela isilinganiso sezinto ezincane kodwa kumele uphokophelelele ukuzuza okukhulu



UMKHANKASO WOKUQWASHISA NGEMIKHAKHA YEMISEBENZI ENGAFUNDELWA

ukuze uthole imiphumela emihle ekupheleni konyaka', washo lawa mazwi ekhuthaza abafundi.

Abafundi balamukela ngezandla ezimhlophe leli thuba futhi babelangazelele nokubuza imibuzo. Bakuthokozela kakhulu ukuthi ula ulwazi maqondana nokuthi uMnyango Wezemisebenzi Yomphakathi wenzani kanye nokuthola ulwazi olunzulu mayelana nemikhakha yezokwakha.

UBonisiwe Mazibuko kanye noLindokuhle Sibeko ngabanye balabo abethula izinkulumo, benikeza ubufakazi babo kubafundi. Bobabili baqashwe ehhovisi lesifunda ngaphansi kohlolo lokuqeqeshelwa umsebenzi bebe besebenza ukuze bathole ulwazi bukhoma ngomsebenzi. Baqale kulolu hlelo

mhla lulunye kuNcwaba wezi-2017 ngaphansi kophiko olubhekele Lwezabasebenzi. Abafundi bagqoguzelwa ukuba basebenze ngokuzikhandla ngisho sebesezikhungweni zemfundo ephakeme.

Abafundi bakhombise enkulu intshisekelo ngenkathi belalele ngokuzimisela kwethulwa izinkulumo. UMnu. Mdluli ofundisa izibalo kanye neSayensi eBhekathina High School wabe esebonga uMnyango egameni lesikole. Wabeka wathi, "Siyabonga eMnyangweni Wezemisebenzi Yomphakathi ngalolu hlelo. Siyisikole sinenhlanhla enkulu ukuthola leli thuba". Waphinda wagqoguzela abafundi ukuba basebenze ngokuzikhandla. "Kumele nilibambe ngazo zombili leli thuba kanti futhi yisona sikhathi sokufunda lesi", kuphetha uMnu. Mdluli. Abasebenzi boMnyango babe sebebha abafundi izikhwama zokuphatha izincwadi.

Umcimbi waphethwa ngokuthi basine badelelane oNk. Nosipho Hadebe benoMnu. Ntokozo Ndlela bethula amazwi okubonga. Bobabili laba bafundi bakulesi sikole, babonga uMnyango ngalo mcimbi oyingqayizivele wokuzobakhanyisela.

Umkhankaso wokuqwashisa ngemikhakha yemisebenzi engafundelwa uwuhlelo oluhlalahlolisile futhi uzolekelela ekukhanyiseni intsha; ikakhulukazi leyo eyayincishwe amathuba phambilini.

UMnyango Wezemisebenzi Yomphakathi uzibophezele ekuthuthukiseni nasekuhlomiseni ngolwazi intsha ukuze isifundazwe saKwaZulu-Natali sithuthuke kwezomnotho.



Unk. Dolly Hlongwane ephahle uLindokuhle Sibeko noBonisiwe Mazibuko abaqashelwe okhulweni lokuqeqeshelwa umsebenzi bebe besebenza